

ანგარიში

საქართველოს სპორტისა და ახალგაზრდობის საქმეთა სამინისტროს 2015 წლის პროგრამების და ქვეპროგრამების შესრულების შესახებ

01. სპორტისა და ახალგაზრდობის საქმეთა სფეროების სახელმწიფო პოლიტიკის შემუშავება და მართვა (პროგრამული კოდი 39 01)

პროგრამის განმახორციელებელი:

✓ საქართველოს სპორტისა და ახალგაზრდობის საქმეთა სამინისტრო

პროგრამული კოდი	დასახელება	წლიური სახელმწიფო ბიუჯეტით დამტკიცებული მოცულობა	წლიური სახელმწიფო ბიუჯეტის დაზუსტებული გეგმით გათვალისწინებული მოცულობა	წლიური საკასო შესრულება	საკასო შესრულების % წლიურ დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
39 02 01	სპორტისა და ახალგაზრდობის საქმეთა სფეროების სახელმწიფო პოლიტიკის შემუშავება და მართვა	3,325.9	14,599.8	21,989.9	150,62	
	ქვეპროგრამა					
	ქვეპროგრამა					

- დაფინანსდა ადმინისტრაციული ხარჯები სპორტისა და ახალგაზრდობის სფეროში ერთიანი სახელმწიფო პოლიტიკის განხორციელების უზრუნველსაყოფად.

02. სპორტის განვითარების ხელშეწყობის ღონისძიებები (პროგრამული კოდი 39 02)

პროგრამის განმახორციელებელი:

- ✓ საქართველოს სპორტისა და ახალგაზრდობის საქმეთა სამინისტრო
- ✓ სსიპ საქართველოს ოლიმპიური რეზერვების მზადების ეროვნული ცენტრი
- ✓ სსიპ „ქართული სპორტის მუზეუმი“.
- ✓ სსიპ საქართველოს ფიზიკური აღზრდისა და სპორტის სახელმწიფო სასწავლო უნივერსიტეტი
- ✓ სსიპ საქართველოს ფიზიკური აღზრდისა და სპორტის სახელმწიფო საზოგადოებრივი კოლეჯი

პროგრამული კოდი	დასახელება	წლიური სახელმწიფო ბიუჯეტით დამტკიცებული მოცულობა	წლიური სახელმწიფო ბიუჯეტის დაზუსტებული გეგმით გათვალისწინებულ მოცულობა	წლიური საკასო შესრულება	საკასო შესრულების % წლიურ დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
39 02	სპორტის განვითარების ხელშეწყობის ღონისძიებები	54,225.0	69,077.7	68,947.5	99,81	407,02
	ქვეპროგრამა					
	ქვეპროგრამა					

- საქართველოს რაგბის ეროვნულმა ნაკრებმა წარმატებით იასპარეზა ევროპის ჩემპიონატზე. მოპოვებულია 2015 წლის ევროპის ჩემპიონის ტიტული;
- ქალ მორაგბეთა ნაკრებმა მონაწილეობა მიიღო ათენის საერთაშორისო ტურნირში და გახდა ტურნირის ჩემპიონი;
- საქართველოს მორაგბეთა თვრამეტწლამდეელთა ნაკრებმა მონაწილეობა მიიღო ევროპის ჩემპიონატში, სადაც მოიპოვეს ვერცხლის მედლები;
- საქართველოს მორაგბეთა ოცწლამდეელთა ნაკრებმა მონაწილეობა მიიღო 2015 წლის მსოფლიო ალაფის გათამაშებაში, მოიპოვეს ჩემპიონის ტიტული და 2106 წლის მსოფლიოს ჩემპიონატის საგზური;
- სექტემბერში საქართველოს ეროვნული ნაკრები ჩაერთო რაგბის მსოფლიო თასის გათამაშებაში და მოიპოვა 2019 წლის მსოფლიო თასზე ასპარეზობის უფლება;
- სექტემბრის თვეში საქართველოს კალათბურთის ნაკრებმა მონაწილეობა მიიღო ხორვატიასა და საფრანგეთში გამართულ ევროპის ჩემპიონატზე, დაძლია ჯგუფური ეტაპი და მოიპოვა მერვედფინალში ასპარეზობის უფლება.
- სპორტულ სახეობათა განვითარების პროგრამის ფარგლებში სპორტის 45 სახეობაში დაფინანსდა 130-მდე ადგილობრივი სპორტული შეჯიბრი, 200-მდე სასწავლო-საწვრთნელი შეკრება, მონაწილეობა მიღებული იქნა 170 საერთაშორისო სპორტულ ასპარეზობაში.
- ოლიმპიური მოძრაობის სახელმწიფო მხარდაჭერის პროგრამის ფარგლებში ქართველმა სპორტსმენებმა მონაწილეობა მიიღეს ზამთრის ახალგაზრდულ ოლიმპიურ ფესტივალში „ვორალბერგი-ლიხტენშტეინი - 2015“ (სნოუბორდი, სამთო-სათხილამურო სპორტი, ფიგურული ციგურაობა) და პირველ ევროპულ თამაშებში „ბაქო-2015“ (ბაქოს თამაშებზე საქართველოს ნაკრებმა მოიპოვა 16 მედალი, აქედან 2 ოქრო, 6 ვერცხლი და 8 ბრინჯაო);
- სპორტის პოლიტიკის და მასობრივი სპორტის განვითარების პროგრამის ფარგლებში ჩატარდა: სამოყვარულო ლიგა კალათბურთში, ტრადიციული სამთო-სათხილამურო ტურნირი „ლადოს თასი 2015“-ი (ბაკურიანი), სასკოლო სპორტული ოლიმპიადა (რომელიც მიმდინარეობდა ქვეყნის მასშტაბით და ჩართული იყო 15 000 მონაწილე), კუს ტბაზე სპორტის საერთაშორისო დღისადმი

მიძღვნილი ღონისძიება (5 აპრილი), საქველმოქმედო გარბენი ყვარელში („world run“);

მიმდინარე წელს ჭადრაკის ეროვნული ფედერაციის, სპორტისა და ახალგაზრდობის საქმეთა და განათლებისა და მეცნიერების სამინისტროების ერთობლივი ძალისხმევით სკოლებში დაინერგა ჭადრაკის სწავლების პროგრამა. საპილოტე პროექტში მონაწილეობდნენ: თბილისის, იმერეთის, კახეთის, სამეგრელო-ზემო სვანეთის, იმერეთის და აჭარის საჯარო სკოლები. მასწავლებლებმა მომზადება გაიარეს იმერეთის 72, აჭარის 44, თბილისის 66, კახეთის 42 და სამეგრელო-ზემო სვანეთის 85 საჯარო სკოლაში.

- სპორტის ინფრასტრუქტურის რეაბილიტაციისა და სპორტული ინფრასტრუქტურის განახლების პროგრამის ფარგლებში საქართველოს სხვადასხვა რეგიონებში ადგილობრივ თვითმმართველობებს გადაეცა სპორტული ობიექტებისათვის შეძენილი სხვადასხვა სახის მცირეფასიანი სპორტული ინვენტარი. შეძენილ იქნა სპეციალური აღჭურვილობა მთამსვლელთა ფედერაციისათვის. ევროპის ახალგაზრდული ოლიმპიური ფესტივალის „თბილისი 2015“- ჩატარებასთან დაკავშირებით, თბილისში აშენდა თანამედროვე საერთაშორისო სტანდარტების შესაბამისი საცურაო აუზი;

საქართველოს სხვადასხვა რეგიონში (13 ქალაქში) დამონტაჟდა გარე სავარჯიშო მოწყობილობები.

- განხორციელდა სსიპ „საქართველოს ოლიმპიური რეზერვების მზადების ეროვნული ცენტრში“ რიცხული 150 სპორტსმენის, მათ შორის საქართველოს ნაკრები გუნდების წევრებისა და კანდიდატების უზრუნველყოფის პროგრამა საცხოვრებლით, კვებით და სპორტული დარბაზებით;
- სსიპ „ქართული სპორტის მუზეუმში“ სპორტის პოპულარიზაციის მიზნით განხორციელდა 35-მდე ღონისძიება, რომელიც მოიცავდა გამოჩენილ სპორტსმენთა საიუბილეო საღამოებს, გამოფენებს და გამოჩენილ მოქმედ და ვეტერან სპორტმენებთან შეხვედრებს; მუზეუმის 50 წლის იუბილესთან დაკავშირებით გამოიცა საიუბილეო საპრეზენტაციო ბუკლეტი.
- პროგრამა "ახალგაზრდული ოლიმპიური ფესტივალი „თბილისი - 2015“-ის ფარგლებში ჩატარდა საქართველოს ჩემპიონატები (ფრენბურთი, ხელბურთი) და სარეიტინგო პირველობა ძიუდოში, სადაც მონაწილეობას ღებულობდა ყველა ის სპორტსმენი, რომლებიც ჩართულნი არიან ოლიმპიური ფესტივალისათვის მზადებაში (გოგონები, ვაჟები). მოეწყო ნაკრები გუნდების სასწავლო საწვრთნელი შეკრებები სპორტის სხვადასხვა სახეობებში (სპორტული ტანვარჯიში 4, ველოსპორტი 3, ძიუდო 2, მძლეოსნობა, ხელბურთი 3). ოსტატობის ამადლების და საშეჯიბრო გამოცდილების მიღების მიზნით საერთაშორისო ტურნირებზე და ტესტ-მატჩებზე მივლინებულ იქნენ ხელბურთის, ფრენბურთის, ძიუდოს, ველოსპორტის, ჩოგბურთისა და ტანვარჯიშის ნაკრებები;

ივლისის ბოლოს საქართველოს დედაქალაქმა უმასპინძლა ევროპის ახალგაზრდულ ოლიმპიურ ფესტივალს. ფესტივალში ევროპის 51 ქვეყნის 3000-ზე

მეტი სპორტსმენმა მიიღო მონაწილეობა. საქართველოს დელეგაციამ გუნდურ ჩათვლაში მე-10 ადგილი დაიკავა (მოპოვებულია 10 მედალი: 4 ოქრო, 6 ბრინჯაო);

- სსიპ საქართველოს ფიზიკური აღზრდისა და სპორტის სახელმწიფო საზოგადოებრივ კოლეჯში ჩატარდა მისაღები გამოცდები (საშემოდგომო მიღება). მოდულურ პროგრამებზე გადასვლასთან დაკავშირებით განხორციელდა პედაგოგების გადამზადება და მათი მონაწილეობით შეიქმნა ახალი მოდულური პროგრამა. ახალი პროგრამის მოთხოვნის შესაბამისად შეძენილ იქნა სავალდებულო ინვენტარი.
- ქართველმა პარაოლიმპიელებმა წარმატებით იასპარეზეს 2015 წლის აგვისტოში პარაფარიკაობის მსოფლიო ჩემპიონატზე (1 ვერცხლი) და სექტემბერ-ოქტომბერში კუალა-ლუმპურში (მალაიზია) გამართულ მკლავჭიდის მსოფლიო ჩემპიონატზე (2 ოქრო, 1 ვერცხლი, 1 ბრინჯაო);.
- ევროპის ფარიკაობის კონფედერაციის 2015 წლის საანგარიშო კონგრესის გადაწყვეტილებით, ფარიკაობაში სენიორთა შორის 2017 წლის ევროპის ჩემპიონატს, ასევე ევროპის ფარიკაობის კონფედერაციის 2017 წლის საანგარიშო-საარჩევნო კონგრესს უმასპინძლებს თბილისი.
- ქ. თბილისში ჩატარდა მსოფლიო გრან-პრის გათამაშება ვაჟთა შორის ჭადრაკში, ხოლო ჩინეთის ქ. ჩენგდუში ჩატარდა მსოფლიო გუნდური ჩემპიონატი ქალთა შორის, სადაც საქართველოს მოჭადრაკე ქალთა ნაკრებმა პირველი ადგილი დაიკავა და მოიპოვა მსოფლიო ჩემპიონის ტიტული;
- ქ. თბილისში ჩატარდა ძიუდოს გრან-პრის ეტაპი, ხოლო პოლონეთში ბერძნულ-რომაული და თავისუფალი ჭიდაობის ევროპის 23 - წლამდელთა ჩემპიონატი (საერთო ჩათვლაში საქართველოს ბერძნულ-რომაული ჭიდაობის ნაკრებმა მოიპოვა ოქროს, ხოლო თავისუფალი ჭიდაობის ნაკრებმა გუნდმა ვერცხლის მედალი).
- სპორტის ოლიმპიურ და არაოლიმპიურ სახეობებში, სხვადასხვა საერთაშორისო შეჯიბრებებში ქართველმა სპორტსმენებმა მოიპოვეს 679 მედალი, მათ შორის 200 ოქრო, 200 ვერცხლი და 279 ბრინჯაო.

დასახული საბოლოო შედეგები:

სპორტის სახეობებში სახელმწიფო მხარდაჭერის პროგრამების ფარგლებში (ქვეპროგრამების მიხედვით) ეროვნული და საერთაშორისო სპორტული შეჯიბრებების მაღალ დონეზე ორგანიზება. სპორტსმენების ეკიპირება და სპორტული ბაზების შესაბამისი ინვენტარით უზრუნველყოფა. ეროვნული და სხვადასხვა ასაკობრივი ნაკრები გუნდებისა და ნაკრებებში მომუშავე სპეციალისტებისთვის შესაბამისი სამუშაო და ანაზღაურების პირობების უზრუნველყოფა. ეროვნული და ასაკობრივი ნაკრები გუნდების საწვრთნელი შეკრებების, სპორტულ ღონისძიებებში მონაწილეობის და სრულფასოვანი სამედიცინო მომსახურების უზრუნველყოფა. ეროვნული, სხვადასხვა ასაკობრივი და ქალთა ნაკრებებისათვის ყველა საჭირო პირობის შექმნა. მაღალკვალიფიკაციური მწვრთნელების მომზადება.

მიღწეული საბოლოო შედეგები:

შენარჩუნებული და გაუმჯობესებული პოზიციები;

სპორტსმენების ეკიპირების და შესაბამისი ინვენტარით უზრუნველყოფისას უეფასა და ფიფას სტანდარტებთან მიახლოება;

მომზადებული კვალიფიციური მწვრთნელები;

ნაკრები გუნდებისათვის ორგანიზებული საწვრთნელი შეკრებები, ამახანაგური და ოფიციალური მატჩები.

მიღწეული საბოლოო შედეგების შეფასების ინდიკატორები:

ეროვნულ და საერთაშორისო დონისძიებებში მონაწილეობა წლიური კალენდრის შესაბამისად; მიღწეული სპორტული შედეგები;

03. სპორტის სფეროში დამსახურებულ მოღვაწეთა სოციალური დაცვის ღონისძიებები (პროგრამული კოდი 39 03)

პროგრამის განმახორციელებელი:

პროგრამული კოდი	დასახელება	წლიური სახელმწიფო ბიუჯეტით დამტკიცებული მოცულობა	წლიური სახელმწიფო ბიუჯეტის დაზუსტებული გეგმით გათვალისწინებული მოცულობა	წლიური საკასო შესრულება	საკასო შესრულების % წლიურ დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
39 03	სპორტის სფეროში დამსახურებულ მოღვაწეთა სოციალური დაცვის ღონისძიებები	5,784.0	5,559.0	5,554.8	99,92	
	ქვეპროგრამა					

✓ საქართველოს სპორტისა და ახალგაზრდობის საქმეთა სამინისტრო

- ოლიმპიური ჩემპიონების სტიპენდიების ფარგლებში ყოველთვიურად დანიშნული აქვს 31 სახელოვან სპორტსმენს თითოეულს 1000 ლარის ოდენობით; მატერიალური და სოციალური მდგომარეობის გასაუმჯობესებლად 360 ვეტერანმა სპორტსმენმა და სპორტის მუშაკმა მიიღო ყოველთვიურ დახმარება; საქართველოს ეროვნული, ოლიმპიური და ასაკობრივი ნაკრებების წევრთა, მწვრთნელთა, ადმინისტრაციული, საექიმო პერსონალის და პერსპექტიულ სპორტსმენთა სტიპენდიების ფარგლებში სტიპენდია გაეცა 750-მდე სპორტსმენზე, მწვრთნელსა და საექიმო პერსონალზე.

დასახული საბოლოო შედეგები:

საქართველოში ოლიმპიური ჩემპიონების და საჭადრაკო ოლიმპიადების გამარჯვებულების, ვეტერანი სპორტსმენების საქართველოს ეროვნული, ოლიმპიური და ასაკობრივი ნაკრებების წევრთა, მწვრთნელთა, ადმინისტრაციული, საექიმო პერსონალის და პერსპექტიულ სპორტსმენების ცხოვრების პირობების და მატერიალური მდგომარეობის გაუმჯობესება;

მიღწეული საბოლოო შედეგები:

ბენეფიციარების მატერიალური მდგომარეობის და ცხოვრების გაუმჯობესებული პირობები

მიღწეული საბოლოო შედეგების შეფასების ინდიკატორები:

ბენეფიციარების მატერიალური მდგომარეობის და ცხოვრების პირობების შეფასება;

04. ახალგაზრდობის სფეროში სახელმწიფო ხელშეწყობის ღონისძიებები (პროგრამული კოდი 39 04)

პროგრამის განმახორციელებელი:

- ✓ საქართველოს სპორტისა და ახალგაზრდობის საქმეთა სამინისტრო
- ✓ სსიპ ბავშვთა და ახალგაზრდობის განვითარების ფონდი
- ✓ სსიპ ბავშვთა და ახალგაზრდობის ეროვნული ცენტრი
- ✓ სსიპ საქართველოს მოსწავლე-ახალგაზრდობის ეროვნული სასახლე

პროგრამული კოდი	დასახელება	წლიური სახელმწიფო ბიუჯეტით დამტკიცებული მოცულობა	წლიური სახელმწიფო ბიუჯეტის დაზუსტებული გეგმით გათვალისწინებული მოცულობა	წლიური საკასო შესრულება	საკასო შესრულების % წლიურ დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
39 04	ახალგაზრდობის სფეროში სახელმწიფო ხელშეწყობის ღონისძიებები	4,700.00	4,610.00	4,605.82	98,09	458,38
	ქვეპროგრამა					

- „ახალგაზრდული პოლიტიკის განვითარების პროგრამის“ ფარგლებში მიმდინარეობდა „მოხალისეობის განვითარების“, „საქართველოში მცხოვრები ეთნიკური უმცირესობების ინტეგრაციის ხელშეწყობის“, „ახალგაზრდული ჟურნალისტიკის განვითარების“, „საერთაშორისო თანამშრომლობის“, „მზრუნველობამოკლებული და სოციალურად დაუცველი ბავშვებისა და ახალგაზრდების ხელშეწყობის“, „რეგიონებში მცხოვრები ახალგაზრდების

ხელშეწყობის“, „მოსწავლეთა პროფესიული ორიენტაციის ხელშეწყობის“, „საქართველოს ოკუპირებულ ტერიტორიებზე მცხოვრებ ახალგაზრდებთან ურთიერთობის განვითარებისა და იძულებით გადაადგილებული ახალგაზრდების ხელშეწყობის“ პროგრამების განხორციელება;

- „შეზღუდული შესაძლებლობის მქონე პირთა საზოგადოებაში ინტეგრაციის“ პროგრამის ფარგლებში 70-მდე შშმ პირი გადამზადდა სხვადასხვა პროფესიული მიმართულებით, ასევე ხელსაქმეში. 40-მდე შშმ პირი დასაქმდა დისტანციურად, სახლიდან გაუსვლელად საინფორმაციო საიტებსა და ქართულ ვიკიპედიაში.
- „რეგიონში მცხოვრები ახალგაზრდების განვითარების ხელშეწყობის პროგრამის“ ფარგლებში აგვისტოს თვეში მოეწყო 400-კაციანი ერთობლივი საერთაშორისო საზაფხულო სკაუტური ბანაკი, რომელშიც, სამინისტროს დაფინანსებით მონაწილეობა მიიღო 18-დან 26 წლამდე ასაკის 7 რეგიონის (კახეთი, ქვემო ქართლი, შიდა ქართლი, იმერეთი, სამეგრელო-ზემო სვანეთი, გურია, სამცხე-ჯავახეთი) 112 მონაწილემ. ბანაკი მოწყობის ძირითადი მიზანი იყო საქართველოს სხვადასხვა რეგიონში მცხოვრები ახალგაზრდების დაინტერესება სკაუტური მოძრაობით, მათი თავისუფალი დროის რაციონალური და სწორი ორგანიზება, ჯანსაღი ცხოვრების წესის დანერგვა და პოპულარიზაცია, ახალგაზრდების დასვენება.
- „არასრულწლოვანი და ახალგაზრდა მსჯავრდებულთა რესოციალიზაციის ხელშეწყობის პროგრამის ფარგლებში“ არასრულწლოვან მსჯავრდებულთა N11 სარეაბილიტაციო დაწესებულებაში მსჯავრდებულებთან მიმდინარეობს რაგბისა და ფეხბურთის, ასევე ხეზე კვეთის, ხის დიზაინის, მხატვრული დამუშავების, მინანქარის სწავლება.
- სპორტისა და ახალგაზრდობის საქმეთა სამინისტროს ორგანიზებით გაიმართა „სტუდენტური დღეები“ 2015, სადაც მონაწილეობა მიიღო 52 უმაღლესი სასწავლებლის 5000-მდე სტუდენტმა. სტუდენტური დღეები 2015-ის ფარგლებში ჩატარდა სპორტული, კულტურულ-შემოქმედებითი და ინტელექტუალური შეჯიბრებები;
- განახლდა „მოსწავლე-ახალგაზრდების პროფესიული ორიენტაციის ხელშეწყობის პროგრამის“ ფარგლებში შექმნილი პროფესაკონსულტაციო ვებგვერდი www.myprofession.ge, 2015 წელს ვებ-გვერდს www.myprofession.ge დაემატა პიროვნების საკვლევი ახალი ფსიქოლოგიური ტესტი, 30 ვიდეორგოლი სხვადასხვა პროფესიების შესახებ, შემუშავდა სარეკომენდაციო მასალა ახალგაზრდებისა და მათი მშობლებისათვის. ვებ-გვერდის უნიკალურ ვიზიტორთა რაოდენობამ 80 000 მომხმარებელს გადააჭარბა
- კულტურული მემკვიდრეობის დაცვის პროგრამის ფარგლებში კულტურული მემკვიდრეობის დაცვისა და რეაბილიტაციის მიმართულებით, 2015 წელს სპეციალური პროგრამა განხორციელდა, რომლის ფარგლებშიც მოეწყო 18 გასვლა ქვეყნის სხვადასხვა მიმართულებით. სტუდენტებმა მონაწილეობა მიიღეს ძეგლების გაწმენდის, არქეოლოგიურ და სარეაბილიტაციო სამუშაოებში: ვარძიაში, ახალქალაქში, ლაგოდეხში, კოდაში. პროგრამაში მონაწილეობა მიიღო 220-მა სტუდენტმა.
- განსაზღვრული პრიორიტეტების საფუძველზე, ბავშვთა და ახალგაზრდული კავშირების სახელმწიფოებრივი მხარდაჭერის მიზნით სსიპ ბავშვთა და ახალგაზრდობის განვითარების ფონდმა ჩაატარა პირველი საგრანტო კონკურსი და კავშირების მიერ წარმოდგენილი 146 საკონკურსო პროექტიდან დააფინანსა 43 პროექტი;
- პროგრამა „მომავლის ბანაკის“ ფარგლებში სსიპ ბავშვთა და ახალგაზრდული ცენტრმა უზრუნველყო დაბა ანაკლიაში 14-18 წლის ასაკის მოზარდების (საჯარო სკოლების წარმატებული მოსწავლეები) შინაარსიანი და გონივრული დასვენების

ორგანიზება (მიმდინარე წელს პროგრამა განხორციელდა ექვს ნაკადად, მონაწილეობა მიიღო 1728 ბენეფიციარმა) მიმდინარე წელს „მომავლის ბანაკის“ ფარგლებში განხორციელდა ქვეპროექტი „ნორჩ მაშველთა კლუბი“.

- პროგრამა ახალგაზრდული ფესტივალი 2015-ის ფარგლებში ბავშვთა და ახალგაზრდული ეროვნული ცენტრის მიერ ახალგაზრდებში სამოქალაქო ცნობიერების და თვითშეგნების ამაღლების, არაფორმალური განათლების პოპულარიზაციის და სხვადასხვა რეგიონების ახალგაზრდებს შორის ურთიერთობების, ჩართულობის და თანამშრომლობის ხელშეწყობის მიმართულებით განხორციელდა სხვადასხვა პროექტები და ღონისძიებები: „ფანARTი“ (პირველი მრავალჯანობრივი ფესტივალი, რომელიც აერთიანებს ხელოვნების სხვადასხვა დარგებს), „იცხოვრე სპორტით“, „მინიკალათბურთის ფესტივალი“, „ქუჩის კალათბურთი“, „ქუჩის ფეხბურთი“, „სასკოლო დემოკრატია“, „მოხალისეთა კლუბი“, „გამლიერდი და შეცვალე“ (შშმპ პირთა უფლებები და დაცვის მექანიზმები - სამიზნე ჯგუფი შშმპ ბავშვთა მშობლები), „ცვლილებები თანასწორობისთვის“ „ახალგაზრდული კვირეული“, „ჩვენი თავგადასავალი“ (კონკურსი დამწყები პროზაიკოსებისათვის) და სხვა.

დასახული საბოლოო შედეგები:

საქართველოში მცხოვრები ახალგაზრდების განვითარება და მხარდაჭერა, მათთვის მოთხოვნადი პროფესიის შერჩევაში დახმარება, მათი თანამშრომლობა სხვადასხვა ქვეყნის სახელმწიფო ახალგაზრდულ სტრუქტურებთან, ოკუპირებულ რეგიონებში მცხოვრებ ახალგაზრდებთან დიალოგი, არასრულწლოვანი პატიმრების რესოციალიზაცია, შეზღუდული შესაძლებლობის მქონე ახალგაზრდების ინტეგრაცია საზოგადოებაში, უცხოეთში მხოვრებ ახალგაზრდა თანამემამულეებთან ურთიერთობის განვითარება, სამოქალაქო და არაფორმალური განათლების ხელშეწყობა;

მიღწეული საბოლოო შედეგები:

ახალგაზრდული პოლიტიკის განვითარების პროგრამა

1. მოხალისეთა ერთიანი ქსელი(გარემოს დაცვითი აქტივობები, საქველმოქმედო საქმიანობა, სპორტული მართონები და სხვ) 2. ეთნიკური უმცირესობების ინტეგრაცია; 3. არასრულწლოვანი და ახალგაზრდა მსჯავრდებულების რესოციალიზაცია; 4. მოსწავლე-ახალგაზრდობის პროფესიული ორიენტაციის ხელშეწყობა; 5 ახალგაზრდული ჟურნალისტიკის განვითარება; 6. საერთაშორისო თანამშრომლობა; 7) მზრუნველობამოკლებული და სოციალურად დაუცველი ბავშვების და ახალგაზრდობის ხელშეწყობა(ტრენინგება, დასაქმება); 8) სტუდენტი ახალგაზრდების მხარდაჭერა; 9) შშმ პირთა ინტეგრაცია;10) საქართველოს ოკუპირებულ ტერიტორიებზე მცხოვრებ ახალგაზრდებთან ურთიერთობა და იძულებით გადაადგილებული ახალგაზრდების ხელშეწყობა; 11) კულტურული მეკვიდრეობის დაცვა და რეაბილიტაცია ;

ბავშვთა და ახალგაზრდობის განვითარების ფონდი

1. სამოქალაქო საზოგადოების განვითარება(კულტურა, გარემოს დაცვა; გადაწყვეტილების მიღებაში ჩართულობა)

2. სოციალური საწარმოების ამოქმედება და ახალგაზრდების (მათ შორის შშმ ახალგაზრდების) დასაქმება;

3. ინოვაციური ტექნოლოგიების მხარდაჭერის პრიორიტეტის შესაბამისად დაფინანსებული პროექტის ფარგლებში შეიქმნა პირველი 3D ანიმაცია საქართველოში;

4. ფონდის მხარდაჭერით დაფინანსებული პროექტების მნიშვნელოვანი ნაწილი არის გრძელვადიანი, რაც გულისხმობს მის შედეგზე ორიენტირებულობას და მდგრადობას (გრძელვადიანი ეფექტი).

სსიპ ბავშვთა და ახალგაზრდობის ეროვნული ცენტრი

ახალგაზრდებში სამოქალაქო ცნობიერების და თვითშეგნების ამაღლება, არაფორმალური განათლება; სხვადასხვა რეგიონების ახალგაზრდებს შორის ურთიერთობა, ჩართულობა და თანამშრომლობა ;

მიღწეული საბოლოო შედეგების შეფასების ინდიკატორები:

ახალგაზრდული პოლიტიკის განვითარების პროგრამის ფარგლებში 100000-მდე პროგრამების მონაწილე და ბენეფიციარი;

სსიპ ბავშვთა და ახალგაზრდობის განვითარების ფონდის 2015 წელს დაფინანსებული ბავშვთა და ახალგაზრდული კავშირების მხარდამჭერი 43 პროექტის 5000-მდე პირდაპირი ბენეფიციარი;

პროგრამა „მომავლის ბანაკის“ 1728 ბენეფიციარი

პროგრამა „ახალგაზრდული ფესტივალი – 2015“-ის 4802 ბენეფიციარი;